

四庫全書

集部

欽定四庫全書

粵西詩載卷四

桂林府通判汪森編

五言古

送普顏子壽赴廣西憲幕

明

劉基

離維荆衡南運迤走蠻徼民風雜猺瑤地勢帶蒙詔迢
迢商周前風水絕纖竅後王務廣土懷柔倚攻剽羈縻
非本情疲痾復誰療大明侔日月幽裔靡不照化育之

所加欣榮及蓬藿憲府繩百司選擇自廊廟偏方異習
俗賦性實同調培養自殊途激揚貴知要淒涼溪上龍
鰕魚困曾釣高風吹霜鶻縹緲集海嶠願言崇令業以
繼南國召

藤江諸勝

富禮

峽口張晴嵐秀色渥如赭天寒山鳥啼月白林猿下仙
人讀書臺石磴哀湍瀉

斷崖如削鐵開闢自太古江風西北來班班濕秋雨扁

舟晚經過中流欲掀舞

東山夜鴻濛夜色白如晝
明月斗牛間江動金波溜
步歸松徑深清露濕衣袖

泊舟滄海濱天氣喜高曠
化劍已成龍桃花湧春浪
刻舟是何人懷古重惆悵

海日照珠宮隱見蛟龍窟
神人或經行風雨助飄忽
石臺晨可登秋氣正蕭索

江流島嶼孤亭亭聳高髻
螺堆晚霧濃翠滑春雲細
徘徊

卷四
八
徊顧清影澄江去無際

秋高霜降餘灘淺石齒齒漁郎吹笛來野鴨斜飛起山頭兩石人並坐如笑指

龍州溪亭小集有作

林弼

旅懷感留滯朋情憎鬱陶及茲晤語際少慰道路勞危亭入窈窕秋色何蕭騷野菊被山逕幽蘭滿江皋俯視霜露繁仰觀天宇高清歌發華席凝眸送輕舠山川悲九辯塵土歎二毛何以不飲酒徒用心忉忉流光亦易

失行樂隨所遭君看龍江水東流日滔滔

書黃賀州平蠻事後

胡翰

荆楚綿百越襟帶極遐裔連山限車轍外薄海無際風
氣何紛靡羣蠢動相噬古雖郡縣置畫地出租稅負險
恒自固犬牙植形勢聚若蜂螳來散如鳥鼠逝堯仁不
能覆往往思一難懸兵萬里外暴露蒙瘡癘亦有內齊
民誑誤混狂獠巢穴牢弗破根本先自殪天遺槃瓠種
出入民患害聖哲戒不虞窮討諒非計皇靈冒下土赫

赫火俱厲日月所出入有生盡懷徠賓賀崎嶇間苞蘖
久聯締遣吏得黃侯為國開信誓王師不血刃緩頰下
椎髻列功奏天子璽書遠頒賚賜以大銀盃副之金帛
對嶺海數十城安得百其喙我聞范史言此屬非難制
力弱校弄薄非可羗戎例漢廷慎擇守祝良復誰繼侯
今鬚盡白侯心甚豈弟分符浙水上應念東人勸蠻獠
尚有知東人敢忘惠作詩勸不隕庶以示來世

贈別高進道赴廣西憲府

王禕

舉酒且勿飲請君聽我歌我歌亦激烈君行莫蹉跎聖
主御宸極治道臻泰和文章布海隅玉帛來巖阿人生
邁新會鮮不自濯磨痛哭上賈策笑談決韓科經濟一
以展功名良亦多維君瑚璉器貴重含光華持以薦清
廟孰云或偏頗蕭條歲年宴坐使玄髮皤終然崇溪精
百鍊非有他憲府新辟掾簡書起嬋嬋及茲復自傲恐
爾時已過由來九翮鳥猶值一日羅勿謂行路難且對
雙眉蛾桂林歛烟瘴炎海恬風波道途雖云遠行邁須

逶迤為君陳此詞比贈珊瑚柯

送闕參政之廣西

王 偁

五嶺限南服輿圖亦茫洋昔為椎髻區今變冠與裳
蕩風氣開生齒日富强叢山薄大海壯哉封四疆邇來
覃聖仁幽昧靡不彰人材上國齒兵賦擅一方惟公寄
重牧虎節何輝煌上以紓國懷下以撫凋傷當令寒谷
吹撚指回春陽桂山方峩峩桂水亦湯湯誰與傳頌聲
千古流芬芳

全州道中

夾道松栢千株
前守章復所植

全南走百里碧澗綠幽岑躋險屢得勝曠望清煩襟道
傍茺茺松誰是甘棠陰聞有章大夫昔年茲撫臨政循
俗丕變世遠澤尚深顧茲千植繁蓊沃猶至今天長日
色薄風靜雲滿林我行念徒侶苦被名跡侵畏影且息
蔭避喧聊洗心據床久睨傲思奏伯牙琴知音何寥哉
猿鶴空哀吟

宿烏巖灘

扁舟宿層灘灘漲夜來雨飄飄遠客情寂歷榜人語登途畏虎跡突瀨逢鱷怒東山尚沉冥推蓬幾延佇

蒼梧道中

驅車九疑道獨鳥東南飛看山不覺遠秋雲生我衣深谷走羣籟半岑明夕暉中林有蘭茝薄暮空芳菲

龍州道中

微生易為役遠節恒自持夙興戒前征萬里投南陲迢迢古龍州山搖雜羣夷浮雲翳兩曜衆壑昏陰霏由茲

望明都尚隔天一涯淹留暫停騎促刺心不怡所愧子
桑戶中林人見稀

河池縣險路

藍智

連峰入河池險路徭人村喬木盡參天白日為之昏上
有高石厓下有清水源蕭蕭篁竹叢落日聞哀猿職當
觀民風載驅隰與原瘦馬嘶不動瘠童行似奔山川秋
氣高鷹隼宜飛騫俯念遠人思仰慚父母恩東郊有茅
屋時稼繞衡門攬轡倦行役徘徊思故園

送雲南龍僉事致仕回桂林

陳璉

桂林古名郡風俗殊不薄人才接武興彬彬多卓犖洪
武壬申冬我忝持教鐸君在諸生中有如鷄羣鶴不惟
工詞藻素履更端恪一朝試棘闈丹桂喜高擢猶珠方
離淵如玉纔出璞文采光煒然萬目爭駭愕春闈不得
志鼓篋游太學蜚英六館中才識愈弘博發軔為府推
能聲已昭灼及為繡衣使風采動臺閣亦常按屬郡霜
威撼山嶽廉名徹宸聰陟官承寵渥初僉浙江憲到處

詢民瘼繩糾在愆繆激揚別清濁調官至滇南豈憚路
綿邈為政務撫綏不專事擊搏遠人獲安堵終歲樂耕
鑿往來仕途中邂逅情如昨炊粳共朝餐剪韭共夜酌
追思舊遊者晨星已落落召近北京來一見而欣躍謂
言遂懸車琴書載歸橐此別會何時使我懷抱惡鄉闕
行坐望堯山見磅礴家人候錦還日日占喜鵲功名今
已遂歸去有餘樂

懷廣西省朱郎中熙

袁凱

洞庭秋色晏蒼梧雲氣深夫君萬里去山水迥沉沉
竟日凌浩渺連天逃岑峯龜鼉遊近渚猿狖戲遙林
荏苒杜若香蕭條楓樹陰皇朝重茲土遠氓方致琛
而我將何念歲莫獨離心離心一何極日夕遲徽音
衡陽雁不到搔首更沉吟

永樂四年閏七月二十三日
至太平八月朔偕大理公謁先師廟
廟在城北因而賦此

黃福

聯銜冒秋雨出郭行晨香禮竟尼父廟延登庠序堂白
髮論經史青衿羅酒漿我雖不嗜飲荷茲來意長文談
有益友仁化推虞唐雲山翠律翠霜橘纍垂黃顧茲嶺
外俗思我齊東鄉歸來坐精舍一詠聲琅琅

寓憑祥縣有懷奉陳吏部

憑祥山縣幽環抱多溪嶺原草通行階庭梧蔭金井魚
出清溪綸獸來曠野甯廳罔事喧囂門不接馳騁日邊
使遠來海外星雙耿青牛邑宰迎白髮縣君請共寓條

經旬所話咸骨鯁入夜皆忘眠坐對青燈影黎蠻何不
臣虎旅今爰整動如風雨聲止如山嶽靜擬看弔伐師
壓破克殘境納款多渠魁徯蘇咸引領不聞士卒勞惟
知糧餉省捷書報須臾天顏開俄頃偉哉開拓功絕勝
柳與猛伊誰之力歟妙算有所秉

送僉憲陳廷嘉之廣西提調學校 楊榮

聖朝尚文治建學崇師儒四方樂熙皞聲教達邊隅西
廣古荒服民夸相雜居皇仁若天地雨露皆涵濡云胡

數載間庸才濫師模俊秀失教養學校多榛蕪陳君玉
堂彥擢仕登要途煌煌五色勅錫命恩寵殊于茲振風
化豈憚道里紆英聲動蠻徼絃誦溢里閭坐令荒遠邦
俗比鄒魯區允矣稱厥職千載揚芳譽

送徐獻可之官桂林

金寔

少年游泮水與君同時登同齋復同舍况復同年生我
長僅一月君呼我為兄講堂集晨鼓退軒張夕檠廣言
務記覽高論極崇裕花潭泛舟楫月島持觴觥君倡我

能和我歌君再賡師友每過許時輩頗相傾君時美丰
采玉壺貯清永琴心寄幽怨聽者先目成迅風激健翮
一飛上青冥畏途觸矰繳垂翅向東溟白頭傷舊唼桃
葉諧新聲驅馳十載間蹤跡如浮萍霜蹄再歷塊利器
重發硯賓興陟上舍六館推華英相知隨薦起章綬垂
繩繩絃歌宰一同橫琴樂時清如何調煩劇老倦艱趨
迎自謂勞撫字人言拙科徵左遷桂林幕盛夏當南征
迢迢萬餘里動是三月程汶流沿魯郊淮山界楚垌彭

蠡乘月渡洞庭順風經縈紆兩江合葱蒨九峰橫竹深
鷓鴣語樹暗桃榔青南粵多秀士薇垣盡名卿幕僚位
雖卑文章早知名豈無青眼顧不用憂凌兢今晨過我
別呼酒送君行君行且暫留聽我語叮嚀君家文獻裔
累世多簪纓羣從俱早世諸少皆孩嬰故園漸荒蕪先
墓多榛荆數世惟君在付託尤非輕行當遣妻孥歸來
預經營他年若退休庶免勞心情不聞楊少尹獨得昌
黎稱念從弱冠交今逾四十齡祇云鬢長漆詎料俱星

星不知今日別何時重合并情親盡忠告我語君須懃
送蕭用道長史之桂林

唐文鳳

長風吹征衣白日照穹顓朝辭金陵城暮向桂林道之
子富才華天葩絢文藻選職王府官輔佐擬師保鶴駕
日侍隨嘉猷事論討磐石固藩封德化服夸獠人生百
年間相知不在早既推學術尊亦慕丰姿好豈期識顏
面遽別感懷抱每念眼惟青自嗟首空皓丈夫志磊落
養氣充浩浩願言秉忠貞榮名亦為寶

哀平南為司訓郭君妻

陳政

平南古封邑山水天下奇誰知山水間訪故有餘悲結
髮事君子燕婉及茲時君領平南訓妾當從所之嘉合
諒不偶偕老獲奚疑詎意方盛年世途生嶮巇胡藍哄
豺虎咆哮薄城池鴛鴦忽驚散倉皇各東西孩提在中
懷呱呱益淒其鋒刀轉陵脅死生從此辭白壁苟以汙
雖生亦奚為厲聲叱克暴濺血沾裳衣秋霜讓凜凜烈
日同光輝哀哉若女英展也烈士規聖朝重化理激薄

良在斯綸綍出中禁龍光賁天涯一死安足惜千載芳
名垂

燕清八詠

李崇

余至廣西之明年視公署後一小軒頽然將壓欲葺
之以便燕息之所時寇起歲侵轍環四方無虛日故
未暇及越壬申秋寇平且得歲民用入康余樂甚因
命工葺之揭其楹曰燕清公事之餘日徜徉其間軒
之前植物八品玩之為樂興之所至初不知物之為

我而我之為物也嗚呼民未安吾樂此得乎民既安
矣而猶戚戚焉亦非予之所安故物各賦一詩以寫
其樂合為八詠

質性本巖壑何年植軒墀栽培豈人力亦荷乾坤私昔
聞出蕭艾今已干雲霓嗟彼蒲與柳經秋忽先萎顧惟
堅貞操青青閱四時願言託幽契歲晚相因依

右松

窮冬正寒冱初陽渺重困天意方睽兆茲花獨開先凌
空蒙皓彩霜月相娟娟孤高出塵俗絕彼妖與妍興發

起中夜徙倚寒階前屈平如可作請續離騷篇

右梅

種竹我來初森森已成叢悵焉感時序浪迹慚飛蓬所
賴天降康豐年及罷農移床坐層陰匝地光玲瓏高歌
激商灝習習來清風邊氓既云樂久客何憂沖

右竹

何人得仙種來自清虛府植我庭階前繁陰滿窓戶我
適無事時開軒日容與清秋發天香盈盈金粟吐媿學

來俊髦平步可掇取昏蒙起瞻思迢遙隔風雨

右桂

幽花近幽人人與花同調人迹本非幽人心頗幽窈花

有清靜德人有樸直傲清靜端可親樸直良可笑人為
花所憐花為人所效終見花與人一心為二妙

右蘭

種菊滿籬落杖策時一行匪徒事遊豫愛此秋氣清引
觴注醺醪泛泛黃金英取醉亦有適豈必制頽齡有懷
時激烈長歌振林垌思靖節翁悠然千古情

右菊

弱質怯寒沍託根本炎荒去冬與今春冰雪一月強老
榦凍欲死枝葉萎且黃變理諒有在我心正憂惶到今
秋已深疏花始芬芳興衰感物理怛焉成內傷

右素馨

峩峩一拳石，賸種堯時韭。四時鬱龍蔥，清氣逼戶牖。玩之坐終日，脩然絕氛垢。世慮澹相忘，恍入無何有。紅塵暗紫陌，花氣釀如酒。少年信為樂，我心非所取。

右菖蒲

桂山詩

韓雍

桂山何奇哉，峰巒起平地。星羅數百里，像物非一類。列柱擎空高，圍屏障天翠。尖分筆格巧，稜削劍鋒利。海螺爭獻新玉笋，並呈瑞重巖。垂萬象深洞，容百騎河變梁。猶存關隄門，未閱還多怪異狀。物類無可譬，石罅瀉寒

泉清響更幽致丹青筆雖妙圖畫良不易想當開闢時
清濁各奠位精華妙凝結旁礴隱深粹洪水滔天流壅
土日消墜歸然不可動叅雜如布置儒先歷覽多載籍
有題識仙都雁蕩景角勝須在次始知寰中山奇絕更
無二所惜在荒遠世人少瞻視我慚本書生承乏當間
寄提兵靖百越黽勉幸成事性愛山水遊羈絆弗能遂
故茲佳勝境六載始一至駭目驚心神欲去還默記豈
徒玩物理亦欲長仁智况逢休明時德化廣漸被九州

安耕鑿四海息烽燧乘閒此遊觀冠蓋總賢使相與片
時樂感激知所自走筆題新詩磨崖刻深字非追浯溪
頌聊補桂林志

十二月二十有三日發梧州之潯與二三同事小
酌書感

遐荒歲云徂行役猶未休晨起戒舟子理櫂泝急流茄
鼓聲初喧舳艫蔽江浮亂石白齒齒激湍清瀏瀏長風
飽蒲帆薄暮方始收嗟我本鴛鴦辭親恒遠游烏鳥亦

有情豈不懷故丘時事方孔棘恩遇亦未酬眷茲弗荒
寧奔走不自由所幸二三友同朝舊朋遊且與倒一尊
解我百責憂重裊坐廣堂高爵等列侯丈夫苟有志視
此同一漚所貴慎明德建功踵前修舉杯望青天思飲
月氏頭

題行臺喜雨堂

提兵靖南蠻三載兵始收吾民尚凋弊所事惟田疇如
何耕植時未見雨澤流地坼苗漸槁比屋聲啾啾且聞

中原地旱亦傷來牟中原流徙多敵國懷深謀一或歲
大凶所在生百憂我忝大夫後與國同戚休德涼召時
災恐懼當禱求聖主重民命祀神禮先修詔未臨海邦
氣已潛通幽果然賜甘澤旬日遍九州枯槁咸回蘇百
穀定有秋酷暑亦淨洗炎荒涼颼颼聖德與天通民亦
知所由兒童競鼓舞父老齊歌謳小堂適苟完懽感惟
我尤羣公攜酒至且有新詩投扁以喜雨名酌以黃金
甌我愧不能當題詩紀皇猷

成化七年秋八月自梧州出巡至平樂歷諸險灘

憫舟子勞甚感歎有作手書于郡學示知音者

樓船發蒼梧江水何湯湯清灣不時轉石灘險非常顯
伏羅虎兇參錯森劒鏗砰轟地出雷沸騰釜揚湯夾岸
山壁立澗谷緣其傍深陡力難為無路兼無梁引纜既
弗能操槳亦有妨篙師極力進羣叫如發狂道甫逾半
千灘數百十長繼旬始能達疲憊已莫當僱直僅足食
曷有贏餘糧所幸得無虞勞損不自傷長江有巨賈連

舟豎危檣開帆趁好風破浪飛汪洋無煩役心力倏至
千里疆得售重利還里閭誇富強一時或不戒傾摧見
災殃乃知覆載間人事誠渺茫淹速雖靡同夸險未易
量因之發警悟省已益不遑盡瘁固所甘幸至非所望
循理聽自然終始永弗忘

望江亭

傅倫

山色拂雲青溪光照空碧構亭倚風峒超然意自適惟
有江南趣怪石生奇特公暇一披圖萬物皆默默

望江亭

楊 銓

亭開半山青俯看一江碧雲水相滌涵魚鳶各自適
明眸縱遐觀徐步立孤特宇宙春茫茫欲語成默默

南薰亭

春郊積雨霽日夕山氣佳攬衣擷芳芷陳詞在重華
寂鳳鳥聲盈盈桃李花韶音間稀歇空洞臨水涯隔
葉鳴黃鸝大澤生龍蛇九疑望纔絕蒼梧雲正賒
僻壤遇神化六合千載家風氣藹文物雨露深桑
麻腐儒謬行

役繫處真匏瓜苦材竟何濟率物身且遐臨夏問豺狼
焉能化蟲沙舉目瞻北辰日月行西斜陟亭上高峰貫
月隨雲槎南風一時發聊解吾民嗟

望江亭

劉穎

長天瑩如藍大江靜涵碧迥若元化初杳然衆心適周
覽際八荒俯視藐孤特欲語無是公雲歸山默默

慶遠南山

孔儒

古粵宜山郡孤城豁洞中封疆至荒遠物理還雷同水

出千蟠澗山羅萬疊峰南山尤秀麗佳氣常鬱葱峻壁
岩崑起幽巖曲徑通蟄龍卧石窟野鶴巢雲松巖底軒
宏處炯然神仙宮吟詩萃墨客攜酒來山翁榕烟落硯
沼涼吹入荷筒林麓民居衆田疇稼穡豐梵宮起微翠
金相凌虛空一望景無盡千迴興不窮我來守斯土禦
寇時興戎民憂常切切人事更匆匆二載始一翫寸心
方從容剡苔看古刻遊覽皆名公遺興尚灑然筆力多
豪雄覽畢坐石床分明古崆峒酒盡應忘醉詩成愧未

工山僧愛佳客脫粟烹早菰歸來日云暮王冕生山東

送澧州梁文振守桂林和鄉林韻 桑悅

急溜非淺源密樹無疎陰夫君方橋通負異城府深三
相富遊覽花木春繁樛詩思滿湘水輕鷗共浮沉戎府
輟蓮幕邊城專桂林薄莫喜邂逅分手天橫參神遊韶
音洞興寄干越岑孰云非吾賞所幸君同心旄倪撫兒
輩流寓交朋簪地縮王化近俗移循吏今夸獠豈聞道
黃虞亦知欽仁威剪魁逆千里歸沖襟風翰日域展斗

柄天衢斟何策自回翔洗兵靈建潯

玉融郊外觀山林之勝惜不得起子厚與之同遊

先生謫居永員外置散職丘山潭渚渠指顧出顏色至
柳握郡符守官難作適州治記堪遊駕鶴與仙奕西北
是融州可望不可即豈知神秀鍾於此為窟宅巖壑何
玲瓏滿眼皆仙跡瀟灑真洞天似與塵世隔先生若賁
臨景物倍光澤向時所奇處爽然皆自失我官雖遠調
茲境喜親歷野老雜矜猺歡迓儼姻戚攜酒更勸酬醉

卧松下石所得良已多敢忘乾坤德

行縣出入賊巢感懷

投荒幾萬里歎羨太寥廓
龍城真小垵半刺等飄泊
壘延隘峒險慄獠猺種惡偏
駕高逾頭利鏃淬毒藥深箬
工埋藏起塘專剽掠我恒巡
邊鄙誰道勝沙漠過處屢
潼關登時幾劒閣迴迴起驚
疑在在饒螫蟲尋常水若
石盡是溝與壑淺寨足汙濺
空城殊落寞腰慣負湛盧
手亦便繁弱昏眠目睹刃靜
坐耳聞柝陰寒晴閃煥宇

宙如病瘡尖峰堆艾炷炙地野火灼苦奈氣候異因茲
瘡癘虐天花葳根蒂海萍無住著世棄人何尤百感付
一喙憶昔少年日六經供咀嚼春和親混混秋肅邇噩
噩體用妙難言盡是經濟略至味稍染指斗柄易斟酌
云胡居夸志千載獨付託小試乏近效俯仰多愧忤承
前尋墜緒啟後敢妄作今古出孤注艸艸輕一博五湖
望歸來三徑待營度試執混沌靶自啓造化鑰探宋衍
淵源補漢平穿鑿星躔任羅胸月窟且著脚欲駕瑤池

驥穩跨揚州鶴釣天靚重華稷契相唯諾銀漢濯琅玕
蔽垣植蘭茝咳唾墮虛空萬象俱洗淪塵網可牢籠天
宮縱落魄那知老將至自量學不落誰能亮初心許國
忍獨樂

送戶部吳廷憲主事赴廣西提學 程敏政

泛泛濯錦江產材多好文就中吳季子壯歲迥不羣久
選司徒班薦書新上聞朝廷重興學簡命恩禮勤乘驄
過梅嶺持節開江氛念子掌邦教此職固所欣都門時

雨晴歧路東西分
嶠外豈無士成之
在陶薰時名愧葩
藻實學須典墳
典墳首羣行古聖
非徒云行行志方
健
寧肯上負君三歲
諒有期遲子來策
勲

永樂初給事姚伯善采木廣右被瘴客死殯及六
十年至其孫榛鶴始克歸葬先兆作詩記之

沈周

惟昔永樂初皇帝
治明堂取材蒼梧
野在梗楠豫章督
以給事臣若曰伯
善行

叶

公素侃察聞百辟
得激揚譬

如公輸子材悉良不良此行固天簡公亦喜自當握節
指八桂伐鼓官舲揚惟木彌萬山計材不計章昂霄及
聳壑乃適于棟梁此處瘴癘地氣候日不嘗公病即不
治骨肉懸江東叶無人事綏復其魂悵彷徨枯藤束木
函一殯六十霜嗟嗟榛鶴輩祖死而後生叶但知彼有
殯不知在何方坐輒向西南行亦西南望叶雖劇返葬
心日月何忙忙無財亦無時猶盲者無相叶天實使湯
公官廣得其詳書報在全州湘山寺之旁如因曼父母

始知墓在防二子讀書畢哭踊如初喪榛行不擇日即

日裏餽糧鶴云兄當住小弟力頗強此櫬所不返不復

再見兄叶出門當嚴冬雨雪滿大荒九溪多鼉鱷鼓濤

播舟航五嶺饒虎豹磨牙引飢吭鶴行無恐怖孝至膽

氣剛達彼全州境入寺悲荒涼宛然三門側有垤記其

藏拜之號三遶聞者痛肝腸發函升輜車奉還萬里鄉

白骨猶再肉樂歸所自生叶藹藹桑梓里鬱鬱楸梧岡

得從先人兆如齊返周葬叶况與元配合孤雌成鴛鴦

嗚呼二子者生死有耿光嗚呼二子者古義行于今

叶

嗚呼二子者頽俗亦可興

叶

虞山若增高琴川若增長

自龍州至憑祥道中

湛若水

癸酉王正月望舒忽已圓登望憑祥陸暫辭龍州船杭
輦始斷港前旌出回巒隱見萬山中初翳疑無門轉忽
或有通上與青空連洒落觀羣山芙蓉秀晴烟烟與山
俱淡心與境相關倏然若有得殊土元同天

古邕州忽見故人龔謙之贈之歸潮陽

人生如浮雲散在天一涯
天涯又飄泊浩蕩成離披
風吹一朝相聚會豈有期
閒雲不出山遊魚不越溪
行矣歸毋遲春山多紫芝

予與潘黃門使安南還憩龍州同州守趙良弼遊
仙巖即席賦此時正德癸酉二月十日

崢嶸屹野次石壁開巖扉
山木雖未暝白雲暮來歸
小憩登陟餘超然生遠思
涼飈起新霽高歌送微暉
風雲一飄散浩蕩本無期

送周大參之任廣西方伯

林瑯

入滇未踰年輒復別滇去丈夫懷四方所適皆真遇雄
藩雖巍巍猺黎病雜處重華帝有虞昌期適當午五載
一巡狩諒亦匪虛語至今化猶醇冠裳爭快覩民囿風
氣中虫蠹迺其所向微幹旋力千載應聾聵桓桓大方
伯旬宣翊天子世運有推移斯民無今古藩翰良所遭
箕推謾誇詡欲別不忍釋君行激予素逝者蒼梧津滔
滔日東注回薄萬古情拂劍滄溟曙

送姚英之提學廣西

魯鐸

天王亶神聖化理登虞唐嶽牧寄率土夔臯列巖廊吾
斯仰先進風流耿難忘典則幸茲在時哉振其綱君侯
古容觀矯矯今麟凰斯文秉鑪冶鼓鑄西南方會令百
越地化為五父鄉時舉足黎獻天休迓無疆

送胡汝重廣西散賞李貽教限韻

行賞下南服揮指三萬舸遠別何足云離亭笑方璫君
才文武兼所授無不可南師亦有言何以衣食我惠賞

容未沾乃復望驍果垂橐向使君揚眉趨道左時雨均
皇仁沛然非瑣瑣行須使三陟皆令靜烽火

遷江縣次韻九龍

山鄉足烟雲陰晴殊叵測行人畏王程欲止不可得朝
來到遷江何異入空壁公署閒無人軒楹共岑寂徙倚
天畔山亭亭日向是縣吏謁上官開誠恣遐適狐鼠方
跳梁顧不念疆域客懷鎮憂時遙夜屢兢惕同袍有佳
篇珠玉真在側倚和復長歌終然愧疎僻

桂門行

易宗周

南行度桂門山路多巉岈況復帶修嶺四顧皆雲烟樹
木嘉以繁石磴莓苔鮮山鳥夾路啼野雉飛過前谿谷
少人家僕夫難息肩驅車發長歎將行復留連翻思太
行險更憶蜀道難河內有人去巴川有人還桂門雖云
遠較此未為艱惜苦多風雨陽光不照山陽光照有時
吾且開大顏

泊府門驛懷姚仲和却寄

徐 棻

晚出蒼梧城寒月照江水堪比使君清盈盈三角嘴所
歡隔城頭孤蓬空徙倚闌題夜幾何轉瞬江之汜平明
旭日開四望疎烟起遲君古驛邊沽酒凌燕市

那演村

陳璣

四境無人烟有者在巖谷忽見相驚顧來前還欲縮匍
匐不敢起呶啞訴且哭連年兵亂間五回遭殺逐有妻
今屬誰有子還處獨逃形竟無所得此稍溫燠何時天
日開英華發槁木掩淚不能答慚我司民牧

經天門關關在鬱林州境舊名鬼門關庚辰四月

二十三日

周用

驅馬欲何適迢迢度天門百鬼已竄死萬靈皆駿奔先
王昔賜履後天宜退坤強顏作險語清露濯炎暄

初至全州

顧璘

跋涉既累月始聞及清湘長風卷舟幕忽見湘山蒼黃
髮數老叟迎予具壺漿面色頗鰲瘦草際各踰踰拜起
問生理輒言困兵荒云望使君至冀免溝壑殃我聞老

雙言垂涕意彷徨比歲收梁宋兵戈劇流亡逮此越萬里民瘼乃同方憶昔始觀國徒行不齎糧皇輿非改轍惠澤恒汪洋閔茲豐儉故所罪吏非良噬膚遂及髓割肉救瘡瘍天高不能愬仰失日月光矧予既朽廢豈有仁風揚登途入城府惻惻心自傷

濬柳山泉

清湘有寒泉乃在北山頭靈竅本神鑿化原乘氣浮昨日泉水涸今晨泉水流借問通塞故云屬無人謀所以

大易旨蒙者貴敏求願言鑒茲泉夙夜勤厥修

弔宋刺史柳仲塗書院廢址

昔賢政多暇學道恒山居遺構儼像設流風激鄉閭時
代屢遷易勝觀鞠為墟居人伐嘉樹野火灰堂廬有作
不肯述益歎今人疎始聞慕芳躅既來乃重歔指顧亭
臺迹歎息經營初林澗有餘憤曲水但空渠誓將理荒
穢心達力不如勗哉同官客勿俾初願虛

聞灌人云有柳子厚遺迹因策馬往尋歷大源塘

入仙源洞不得其處而返

柳侯昔放逐頗好山水事觀其著文詞動以喻來世逮
今歲月改陵谷莽遷異我行徂灌川聞有招隱地懷賢
慰遐想弔古積幽思塵館休吏衙秋原散遊騎度嶺疲
登頓涉溪苦沾漬空潭激哀流古木墮餘翠窮搜盡陽
景屢剔斷碑字豈無會心觀往往悖圖志興盡且須返
聊以展幽致

至灌陽平賦作

我聞黃虞民罔識官師名老翁被素髮壤歌如孩嬰季
世廣法令民心始忡懔馬牛急租稅雞犬紛鬪爭茲邑
苦窮僻曾巖紆荒城謂云華胥國頗遂桃源畊咨諏逮
幽隱轉痛閭閻情山深吏治猛里胥日縱橫執熱不以
濯煎膏難及明府帖增新役賦籍何由平水枯網罟亂
孰使魚不驚投筆坐長歎淚下霑綏纓

柳山石壁凹深涇川公每至坐卧其中余遂表為

司馬巖併紀一首

北山多幽蹤靈怪具茲石窈曲壺峰房巉巖老蛟脊寒
泉界遙青烟蘿綴疎碧雲構儼成居神仙合來宅司馬
真人輔世應帝謫稅駕歸故鄉徜徉此投迹草樹徵
文章烟霞衛巾舄俯仰皆有餘動靜隨所適我願標嘉
名大刻示無易盛美垂千秋留光照山澤

遊通真巖與數子商作思柳亭

蕩舟緣西溪風物始虛爽忽得通真巖衆喜得奇賞石
壁倒千仞洪濤漱中廣通天貫靈竅雲氣恣來往玉髓

墮陰滴蓮花抱烟長居然神仙窟所媿繫塵鞅緬懷柳
愚溪千載寄幽想其人雖已歿精華尚星朗願言作新
亭延此烟月黨今古兩悠悠江波日東響

柳山諸詩

靜觀亭

獨遊秋山靜偃蹇羣松蒼田家穀新熟平郊散牛羊野
草搖衆色寒花淨孤芳悠然忽終日塵鞅聊相忘

詠歸亭

愛此羣石秀披襟就清風羽觴泛迴澗不覺匏樽空醉
歌幽蘭曲行穿踈竹叢浴沂有遺叟俯仰將無同

杏壇

漁父譏仲尼孤鳳遂辭楚誰留壇樹枝搖花映江渚明
明虞夏謨白首困行旅臨河歌猗蘭千載復誰語

熙熙亭

亭下澗水清亭上高雲浮魚鳥各有託遂此巖居幽慮
澹已忘遣境空復何求相期碧草色共對蒼山秋

甲峰亭

遙望城北郭，蔭蔥兩三峰。宛如碧海上，秀出青芙蓉。披霧凌絕頂，飄飄御虬龍。自非仙人可，望不可從。

寸月亭

青山何稠疊，中有澄江灣。恍疑一片月，掛向林樹間。秋雲歛新霽，弄影時忘還。安得謝玄暉，高詠相解顏。

俟賢亭

古人不可作，高亭復誰俟。赭衣供井稅，寂寞循良事。白

金瓶梅詞話卷四
日照間閭憑高墮清淚春風雜花底何因見馴雉

登春臺

高臺倚青嶂下顧城郭間茅居散花竹雨餘春意閒相
將理農務朝耕暮來還寄言長民者勿使惠愛慳

極高明亭

倚杖絕壁上烈風從空來蒼梧亘千里萬壑秋陰哀思
將謁虞舜上歷金銀臺浮雲暗南極為我須臾開

仰高亭

緣雲陟盤磴俯見飛鳥脊側身最高峰去天不盈尺星
陳上皇宮風舉神仙舄長嘯落遺音沉沉洞庭碧

題龍巖額有賦

蒼崖積鐵古中空若天開軒豁容萬夫窈曲千丈迴不
知寒泉水潺湲自何來向非神龍力山鬼空虺隤石田
莽重疊上有仙人臺淋漓濕元氣玉黍長蓓蕾青春始
來遊桃花映樽壘主人邀痛飲酣歌日西頽獨揮菁茅
帚書破巖上苔巨靈拍掌笑大劫俱揚灰吾意在山水

短長安計哉

夜遊韶音洞同徐蕭二君

重華昔南狩乘雲蒼梧岑玄德被千載山川渺崇深伊
誰慕遺迹號此空江尋坤靈啓虛竇孤嶂叢篁森南風
從中來鏘然協韶音上有孤鳳皇揚采儀青林游覽值
初夜盤桓劇幽尋二子興不淺高歌五絃唸榜舟涉水
府秉燭躋嶽嶺依微歷石逕寒露清人襟照壁頌古文
虫書黠銷沉感之歎陵谷濁酒聊共斟賦詩亦何謂祇

以昭遐心

贈陳子文之廣西二首

鄒守益

官聯幸清暇兩共梅花語悠然翫真白肝膽各自許多
病方蝸伏高才已鴻翥往攜舜江波洒作舜山雨

舜江正浩蕩舜山亦巖從疆域雖云異民德將無同天
子建中和萬里熙春風引領昭仁化歲晏勒鼎鐘

贈龍道亨之平樂四首

衡雪鐘阜梅帶月橫山菊相知已惜晚相別亦何速平

生輕離筵及茲更局促悠悠雲陽雲歸心行相逐

敬義昭前楹在子已聞命毫釐察臧否天壤分殃慶請
看檻前花誰是歲寒勁相期朱陵峰層雲發清磬

道鄉元吾宗忠簡昌吾鄉昔年乘玉麟遊戲昭陽岡神
交自古形滯各一方遲子瓊芳薦示我瑤華章

坐嘯籌邊樓長吟天繪閣華夸皆赤子未用勤遠略聖
王師放勲魚鼈且咸若贈子長江水萬里騰寥廓

粵西詩載卷四

欽定四庫全書

集部

粵西詩載卷五

六

詳校官庶吉士臣瑚圖禮

主事銜臣徐以坤覆勘

總校官庶吉士臣朱 鈐

校對官庶吉士臣吳裕德

謄錄監生臣宋學瀛

欽定四庫全書

粵西詩載卷五

桂林府通判汪森編

五言古

考胡致堂先生流寓吾全歲月景仰不已遂形于

詩

蔣冕

先賢經歷處草木有輝光偉然千載士況為吾致堂任
重且道遠抑陰更扶陽危言數十上惓惓為三綱忠直

不少徇遠謫甘炎荒中年奉父命省家來清相嘗遊漱
玉洞一飲累數觴酒半逸興多揮毫掃琳琅至今木天
上遺書尚祕藏手抄還口誦煮蒿見羹牆翹首仰名德
寤寐耿不忘何當奉公神俎豆臨郡庠

洮水名縣最先

零陵置郡初洮陽已為縣自漢至隋唐湘源名始見湘
本大於洮源深流亦遠洮非用武地名豈得先顯物固
貴有遭鉅細無深辨

梧州呂仙亭次韻酬薛僉憲子純 潘希曾

鬱鬱蒼梧山高高
呂仙臺山川故無恙
仙人去不回
空餘千歲松根深
茯苓埋當時
鶴不見白雲晝成堆
故人拉我游一笑
萬里來茲晨屬歲
暮瞻望徒徘徊
宇宙難可窮
人生亦勞哉
謝君斗酒意臨風
渺予懷

夜泊藤縣次韻酬湛內翰

泛舟蒼梧來又泊藤江口
去國萬餘里遙夜瞻北斗
冉冉歲月逝厥柄忽臨丑
銀河注清淺經緯爛星宿
低頭

間無人圖書陳左右殘燈耿明滅爐烟細當牖正爾不能寐憂來欲皓首迢迢江湖心匪為行役久望眼不可極雲山互纏糾中道欲何依賴茲同心友珠玉時見投繆戾亦予咎駕馬逐驂駟竭力常恐後

潯州東津驛書感

沿回左江湄至止東津驛游子懷往事惻愴淚沾臆昔在景泰中蠻獠禍孔棘我祖憲府英提兵此駐節疆場賴救寧蛇殄就俘馘王事誠辛勤營星隕中夕去今六

十載相傳猶仰德嗟予小弱孫寡昧何所識王命使南
交幸茲弔遺迹天涯歲云暮寒風吹獨立

出鎮南關

關外即
安南境

崔嵬分茅嶺鎮南扼雄關持節始入交山路何鬱盤喬
林映前旌鳴騶歷層巒綸命自天下恩光回日南道路
盡膜拜冠帶爭駿奔語言雖假譯文物亦可觀貌茲溟
海壖聲教古所漸

龍州仙崑次湛內翰韻

烟霞靄平野孤巖敞幽扉仙人此脫屣千載鶴不歸而
我萬里來矯首空遐思東風散微雨古木泛斜暉賓主
聊盡歡一尊本無期

寄嚴維中

楊慎

美人在桂林貽我金琅玕高情與逸思遙下青雲端相
去萬餘里黃鵠飛猶難湘灘何悠悠衡麓峭增盤擊汰
浥清泚振衣凌巔岼竒觀洞前古嘉藻留英翰壯遊輕
路永遠別驚年單夢澤流澌解鈴峰零露漙漙途返星

駕會闕岷雲冠伊予嬰夙疾塊然慕朋歡愧彼桑蓬志
甘此藜藿安懷書重端綺佩言芬如蘭始願愛青華終
期同歲寒酬德遂有述展歌情未殫

勸古田諸生歸學詩

唐 胄

依依古田縣叢莽萬山麓金甲初洗腥瘡痍嗟未復
菜圃學久鞠省寄空廩祿轡馭勞直指驕頑聊踈局適有
良師來統歸振新鐸懷居久便利驅之魚上竹念險業
寧棄有懷痛欲哭感予甚不忍禁法難回曲治理政教

併神聖貽猷畫趨避情可任尹尉辜何獨勞戒助騎衛
窮乏假館穀且勉為一行氣壯心自豁劍仗氛妖開文
光魍魎縮趨丈趨經橫歸告時休沐嗟唐吉安丞歡笑
入夸落清歌與簫吹夸俗為變革化予夸未幾遣子再
入學藍衫舞春風酋父側笑躍今去大絃歌刁斗聲應
伏遶垣擺嶺平取徑都狼速笑歌長去來忠信無蠻貊
憂戚天汝成居夸孔亦欲

粵右督餉言懷

汪必東

永日勞不息中夜鬱以思三旬攝吏篆六月逢王師議
禮甫罷訟談兵復奕碁折衝讓才彥飛輓敢復辭所嗟
錢穀理口舌難空施况引諸州糴遙供萬竈炊較量悉
升斗負荷窮耄倪火輪正驕亢羽檄仍紛馳經營一失
理緩急將何裨號令苟不信焉能措鞭華但知憂國急
未暇軫農時反心良戚戚欲語復期期安得凱歌速燕
喜續周詩

雨中不獲遊湘山同陳宋卿集湘臯書屋作

黃佐

湘山韞奇秀浩然歌遠遊晞髮思春陽衆芳愛層丘星
車夙言駕六轡一何柔密雲翳扶木蜚雨灑道周亮無
精神格皇穹浩浩悠悠弭節升公堂綺筵羅玉羞晤言獲
飽德良友副所求彈冠謝薦達緩帶成淹留黃鵠拚拚
飛所覽在九州而我方永懷山川空阻修自非采蘭杜
何由結綢繆願回燭龍照庶以寫我憂

柳州別王禎甫

張岳

柳州越之西山川阻且修子來首冬節日月幾迴周旅
館夜共榻清言鬱綢繆撫世嗟多岐語道無金牛歷歷
見肝膈寫我百端憂歸途念有期為子戒行舟豈不惜
離別壯志浩難留驚湍束重峽春鳥鳴鈎輶子行應萬
里中道莫夷猶人生會聚散竚望心悠悠努力平生業
歲晚冀全收

靈巖

杜瓊

廣右百粵地勝概惟西融千峰連萬嶺一一摩蒼穹聞

有真仙品境界如崆峒周圍五六里其中歆而空中高
二十丈天造由洪濛仰視儼雲漢石色羅青紅源溜從
中來激響何玲瓏清甘更冷冽一飲蘇疲瘵品前列奇
觀特立仙人峰高高凡幾仞冠服如真容相傳有所自
化身鯉猶龍亘古不改色直與天地終所以張孝祥品
第名益崇後來磨崖石刻字勞鑄工邑令有賢佐裔出
濂溪翁撫綏多惠政政暇尋幽蹤覽此發驚嘆採入圖
經中鋟梓布遐邇寄我來江東惜哉萬里遙此境誠難

通作詩刻品下我欲凌飛鴻

乙未元日寓鬱林

潘恩

翩翩客遊子遠道值嘉辰履端欣物泰區寓曠同春黃
道啓閭闔青陽歷大鈞北山獨于役炎荒非我鄰豈伊
風俗異况復歲時新百齡悲過隙四十慚無聞椒酒忽
在御俯仰益傷神

過馮當世祠詩

并序

宋三元馮當世先生產于宜之龍水天門拜相山祖

墓在焉幼流寓入藤有讀書故址後貫籍武昌發解
慶厯間與羣士計偕禮部賦無逸為元龜廷試賦蓋
軫象天地皆第一歷知樞密院載我明一統志中好
事者高其名行轉相傳致私以為邦邑重遂奈其世
焉或曰藤人或曰江夏人或曰鄂人廣西通志因藤
志誤書曰藤人矣慶遠楊子梁之辨特詳余行部感
而賦詩俾刻諸祠壁以識時嘉靖甲午閏二月望日
也

三元瑚璉士穎異况無倫探竒抱荆璞聲律薄蒼旻鍾
靈自龍水混迹入鐔津弱冠游武昌奏賦歷承明論文
邁時彥躡步振楓宸數齡秉樞要樹立亦璘璘長才奄
物化榮名代所珍誰謂千年下閭里亂其真世儒一夕
死詰旦委蒿塵緬懷曠今昔寤寐揖風神公亦何常居
東西南北人

藤縣途中夜行

遙遙遡藤水波駛舟行遲平旦蒼梧道日夕赤水湄灘

聲遠不絕修途鬱以紆林端歛暝色川上暮猿啼千峰
樹如草寒月奏連漪雲浮羨飛鳥霜翼不同歸對酒忽
若夢恥為形迹拘

柳城道中被火作

山行留絕驛草墅竹為扉疇昧徙薪戒東風焚我居飄
颻蕩林木顛倒失裳衣徬徨岐路側仰視夜何其微星
暖光照西月歛餘輝驚鳥不遑息唧唧鳴聲悲人生豈
不勞知命復何疑班荆憩野露流目候朝曦

慶遠道

勞勞慶遠道惻惻嘆塵寰陰雲結龍水赤霧閼烏蠻野
獸解人立居氓雜鳥談寒暄倏忽異蒨露晝參覃滯留
豈吾土却馬望鄉闕鄉闕不可極鄉思復難攀春日何
遲遲桑者亦閒閒柘舟慘無翼壯志逐風還

正月五日予將往陽朔林僉憲世觀追餞還珠洞
賦五平詩言別

表 表

青陽熙初春和颺披炎陬東征遑寧居星言浮蘭舟朋

僚悲分睽壺漿欣追遊攀蘿升危巖觀魚臨清流山收
澄霄雲帆停滄江鷗新禽鳴嚶嚶同聲知相求玄談騰
芬芳深情諧綢繆良因金蘭嬉非緣壘觥留行行辭嘉
賓依依生離憂

陽朔試諸生賦五仄五平詩

振鐸試粵壤升堂趨文儒角藝自古昔揚言由唐虞赫
赫列聖典循循先師謨孰謂此遠僻皇風同疆隅朔邑
壯以麗山川雄京都豈乏雋異士思齊游商徒絕谷產

豫梓幽渠生蠙珠細物固若此何云吾人殊袞也甕牖
子樗櫟慚疎迂一貫昧孔訓多岐悲楊朱永嘆道喪久
誰當開迷途所貴造士者同心希蘇湖

遊勾漏洞

程文德

昔聞勾漏洞令求之不可得我今謫居來緣何過斯國攢
峰儼樓臺環衛森戈戟或如象馬驂或似神人立紛紜
盡物形纖巧狀難悉披榛至洞門日午雲猶墨登臨邈
漢宋隱見多遺跡更履探虛岬列炬穿深黑仰視怵鬼

神左右爭嗟昨暗堂目通牖滴乳盡成石幡幢何繽紛
鐘鼓堪轟擊恍惚非人世梯緣甘跼踖前驅忽阻水尋
源未許入踟躕還舊路洞口忽見日稚川竟何處烟霞
自狼籍庶以慰竒觀所志非黃白

七星井

上有心泉
二大字

鄺元樂

一鑿始涓涓再鑿功乃完工人汲獻我入口沉疴痊可
以奉天子可以分百官鬱民渴易飲且為解拳拳泠泠
得我心孰測其淵源我心無所寄聊以寄茲泉

橋陽懷古

傅汝舟

岑君寂寞久層城猶自雄山溪界內險耕織民間同泉
溢留官井垣顏泯學宮誰知膺累勅廟食仗村翁

南寧清風館

鄭豫夫

宋家任安撫夏月納新涼清風來臺榭綺琴詠虞唐逸
興歇千載蜚聲留一方謇余朗寧守詞藻金石鏘築館
仍古迹浴德烟天光擊筑卑漢辟披襟陋楚襄白日展
鄴卷素絲紹羔羊噫氣生松壑輕颺滿銀牀飛花疑鳳

舞拂竹似龍驤北窓卧靖節太上齊義皇舉扇障規塵
還珠見孟嘗有懷播南薰轉令被八荒兆民翕偃草庶
尹歌甘棠賢侯正風化薦剡騰廟廊么麼文章吏謬織
天孫章慚匪宋玉賦幾度結詩囊

烏蠻灘

田汝成

百粵信多險茲山復魁岸飛嶠杳峻嶒懸流激湍潄嘈
嘈驚沫紆齒齒玄磯燦征帆卷不舒鼓枻理猶斷臨深
絕手援習坎發顛汗已傷千里心焉假百年觀汜濟暢

餘歡回眸永前歎居易如有常僥倖非所翫潜然臨長川誰能寫幽瘡

蒼梧別同行諸僚遂發左江塗次奉懷

謝少南

杪秋發桂濱美人挈予濟初冬指邕管扁舟獨南捩夾岸列佳木罅石出幽蕙炎景無闔冬生色竟彌歲四序常候殊因之百感繁安得同人心觀物及荒裔

朝譙共一室夕分千里道晤言良不易為別胡草草南

微霜霰飛百卉膚色好陟岸褰芳桂浮艇拾流藻物態
暫足娛孤愁忽而掃無因貽所歡飛雲裊如繡

清明日寓潯州寄邢侍御

錢薇

東望銅鼓灘西臨斷藤峽停驂潯水上聊酬禁烟節與
子共王事笑語每隔越長吟看雲飛舞劍更杯酌嶺粵
天一涯旦暮聊自適寄語柱下史此時意何若

題三浯水

得到浯溪流遙瞻牛耳嶺綵雲常覆護清泚自涵映地

靈顙鍾異冬溫夏復冷滄海一朝汐此水三旋軫消盈
從何始終古竟不忝旅人藉甘飲居民得耕蔭慈陽粵
名區浯溪據其勝胡不移中土竟爾滯西境瑤樹相森
羅香泉復滂噴吾為發幽潛芳聲足後憑

永福感懷

羣山環周遭一水自潯泓坤輿迴盤薄秀拔由天成東
障桂林郡南屏邕管城材官相森羅汗馬嘶秋雲禦剽
逞刀斧城頭殷旆旌日暮風塵暗衝林聞血腥怪茲山

水區而乏絃誦聲興起在教化撫循亮由人干戈豈難
變南國本文明願言解刀劍毋負此鍾靈

九月十六日全州公署對月

王宗沐

前月當茲夕旅泊弋陽溪寒光墮白水人影憐相依茲
夕憩湘山月白仍離離人地兩俱遠困翼靡停枝回首
望弋陽并州不可期秋蓬自南北問月何相隨豈亦憐
羈艱特與款清姿耿耿不就寐晃晃鑒綠幃平生倚雙
龍跋涉經邊陲鴈門咫尺地突騎霜天馳殺人黑水上

搖首不敢嗤此夕正警急誰為紓嚴圍飲羽兩飛龍鳴
雄一長嘶酒酣還起舞男兒故瑰奇浩氣奪月光流照
為我遲鐵甲殉銅柱南紀亦未夸因風語推轂虎陸方
拊髀

烏石山房

吳時來

滯雨踏遊蹤乍霽快清曠綠楊蕩微烟白水欣初漾綠
澗芳不歇依牆薜猶上塘陂瀏暗渠步下時聞響林端
見遠山四面圍青嶂借此結吾廬願言遂浩養

粵西松樹

陳暹

蒼蒼庭下松，軀幹碩以修。才質詎不美，郢匠弗見收。淒風薄松枝，鳴聲何悲愴。悲愴不可識，無言以意諏。炎荒土氣濕，宅宇材易蝨。竹雞久不鳴，素蟻為冠讎。所以梁棟姿，棄置於林丘。南橘北為枳，土地職其由。移之植徂徠，山川邈且遒。所期飽霜露，歷歷春復秋。流膏伏龍虎，仙鼎終相求。

登粵山謁諸葛廟

諸葛龍卧時聞達非所志三顧勞賢主出門答高誼恢
復雖未竟忠誠貫天地千載出師表何人不垂涕王公
斯文宗今古若神契開山擬南陽廟建風化係伊余謁
遺像維時適清霽躡崖縱遐眺長風吹衣袂衡嶽青冥
中洞庭一何細落日散餘霞長空一鳥逝回輿下山阪
惆悵白雲際

贈別全州四友

湯珍

南州實楚壤湘水分洮陽茲惟五嶺表帶海襟蠻荒土

風藹清淑秀發人文昌濟濟多士美接跡參翺翔二唐
本華胄崛起名相望經君流朗照鄧子葆真光挹之信
可親測之愈汪洋絕羣峙鸞鵠炫目森璆琅投懷濫追
厠披寫何能忘雲霄有程期行行去輟長緬增離析嘆
春色違河梁

柳山書院

徐 鏞

弘教靈秀區泉石帶城郭雲影與天光鳶飛共魚躍道
體嘆無息陽春愧有脚公餘適登覽晴霧飛華箔肅容

銀臺仙醇鮮自繹絡西垂有豺狼洶洶猶憶昨指揮賴
時英兌醜今盡縛時和民物熙茲遊亦後樂

中秋全州

董傳策

月色何皎皎客遊何草草秋當爽氣分舟出湘山道溪
光入夜明林影互迴照蓬底語聲清一樽聊寄傲坐久
境逾恬水月呈衆妙我思古之人澹然觀其竅俄聽林
風來清猿山上叫翻令客思摧臨風發長嘯闕蓬向宵
闌天明夢一覺

同惟修遊烏石嶺

我來烏石嶺相對寶華峰
眷言登高丘環之方池中
園林謁東郭池面落殷紅
人徒欣銜杯四坐生春風
悠然發歌嘯真境將無同
遲君汗漫遊閒來種青松

青山構白雲精舍

誰結白雲窩誰作青山主
秋生江上風人向山中語
邦君有好懷四牡肅至止
而我雅好遊結廬聊得此
高岡抱平原背峰面江渚
臨眺豁景光良維醒心處
前有混

混泉清若冰壺注清泉注不舍脉脉潤江樹隔江帶羣
峰烟霞換晴雨堪與自無垠山水互流峙中有遊山人
觀水領真趣所貴適遊思非必問我汝明時天地寬吾
徒欣所遇顧望白雲飛何當賦歸去

初抵朗寧

游棕倦行役轉盼無留奇眷言適戍境少憩索所宜始
至稍涉覽憮然惻瘡痍郊原曠人徒委卷編荆薜聆音
豈不然將無疲繭絲懸弧托遐想鞅掌夙支離感時迷

觸理服采繆陳規銜戾屏人紱荷爰涉天涯征途不遑
處萍泛流風移俄介甌駱氓乍遯幽并兒高旻盡炎徼
落英斐幽姿殊域匪思存瞻景彌淒其飄嵐散崑岫啼
鳩戾江湄林靄變朝暮物情良若斯我戎靡歸聘閭然
銷襟期飛蓬且棲滯通觀漫鬱伊王成玄宰量生全明
辟慈薄衷矢貞獻義娥邈云馳嚮道欣當汲懷親悵方
岐明發秉斯心寥寥賦居夸

青山紀遊

有引

余以戊午歲晏來邕時忽早春遂泛小舟江上因訪
青山之勝挾人徒策足絕頂披襟當風坐汲清冷爰
濯我纓神怡景會賦成紀遊一首貽諸好遊者共之
飛遊絕寥廓日月忽居諸歲晏爽幽抱藉茲春光初條
風薄林影江水流清渠暄氣微動搖飄然置干旃沿洄
乘小艇晴照鬱以紆榜人逝烟濤鳴鳥翻扶疎俄頃維
青山攬衣起躊躇舍筏遽登岸經觀無乃虛振迅恣瞻
眺乍歷山之阻牧犢濕其耳蘿徑遶畦蔬紛敷榮卉木

騰驤擢莊樗盤旋憩叢渚響瀨泳懸魚往聞鬱江濱檀
欒覆象胥芳餌麗腴留垂釣飫羣魚歷棧羅夾岫靈境
集鷁鷁石門罄青碧雉堞盤浮屠偶逢負薪者避喧豈
溺沮因之思隱淪沉寂遁聲譽劫灰竟何營孤壠亭丘
墟登茲發深省俛仰一歎歔大塊吹噫氣微茫覺離疏
陰陽迭昏曉今古成空廬但令接佳勝無負此巾綈跼
蹐等蛟螭觀游信超摠撲景閔希聲遐矚差朗謂敲脰
躡雲躋澄瞬挹廣除崔巘臨蒼莽平野恍青徐嶮側徒

為爾夷曠復自如結構廠茅茨懸崖罩几蘧盪胃羅四
溟列座凌堪輿青螺暴氷綃玄靄錯璠璣雨露之所潤
肥蕨甘可茹漂滉浸莓苔氛垢銷森墟浮暉靜無垠乳
液融琪琚厥脉泠然注精英諒茲儲道人顧相笑古有
探靈且珍詭馭鸞駢履迹雕晶梳元化若在掌徙倚瞻
比閭烟爐傍丹岑脩篠覆菑畬棲霞意自足奚必仙人
居名流解冥搜太清洗蟾蜍習靜澹無為斯徒良可與
蹇予造天役屏捐投嶽嶇賦質厭機巧稍喜脫紛拏境

以道為際心將時不徂庶幾娛微賞安能曳長裾人徒
歡追攀披豁談詩書中有虬髯者風烟為先祛白也悅
青山醉鞭華陰驢撼觸罹神情形影憐駉驢飄蓬悠悠
爾吾道從卷舒炎州驅豹霧雲氣蒸龍噓恒紀邁流電
茂育汝惟余班荆偕童冠蕭騷洽進醵數酌聊沾醉興
適真有餘汲泉修茗供沖襟漱寒淙長嘯天地寬慷慨
賦歸歟欣悅悟名理誰能更拘予

奎星岡紀遊

崇岡點奎壁炎精散星堆崑崙垂一翅靈秀盤崔嵬層
巒掩霄靄曲阜蒸烟垓作客思難任祇抱林丘懷暑氣
緩消夏之子欣追陪涼風披煩襟疎雨洗氛埃藉之屏
人囂聊以傾山壘丹霞簇岑蔚繡障滌莓苔鳴鳩集灌
木鹿豕寢不猜賓朋罄交歡今古恣諧詼抗館儼哲匠
瞻眺一徘徊流光轉衡紀代明互相催遺勛遡千載河
漢森昭回精英諒茲在嵯峨閭闔開繫彼局炎煬奔湍
逐喧飀荆榛委夾巷赫奕腐草萊沉浮歟超忽天壤撥

蘆灰覽睇激孤嘯掩抑商聲哀蕭閒鮮經覲我馬虺以
虺荒服軫中瘠翹楚淹良材傲吏罕所營飛舄凌瑤臺
振振錯輦劍翩翩溢麝煤追歡愜心賞言旋思悠哉虹
渠翻倒景清漢月華來翛然響天籟因之結聖胎

遊山篇

有引

夏月聞家君南來余喜不自禁預遲橫槎江上舟出
青山數友具酌撫景言懷義和迭啓棹轉而北情見
乎辭

巖君馳遠道夙駕迎河津出郭矚晴霰晨裛東榜人良
朋集中達因之涉漪淪沙鷺偃江介蘭鷁盪蒿垠晤言
愜所期乘興陟華嶠惠風吹幽崖炎光散高旻嘉招羅
野錯歡然酒數巡蹇步息烟巖遐眺凌穹辰捫蘿側其
足卷石開嶙峋古剎橫圮植荆扉疏北鄰翻思曠士懷
感茲物化淳殊域差可覩况乃悟谷神虛中湛玄窟彪
外茁丹菌不緣合併量萬象誰陶鈞佳者幽澗泉清泠
注江濱挹之光鑒物濯之潔潤身揮頰罄夸談洗臆傾

天真吾徒既離垢達觀無罣塵撫景蔭林木摩柯倚松
筠嗟伊秉所操居易亦亨屯抽緒肆條枚披磴分玉珉
延覽不知疲徂景觀宵闔牛羊夕下來樵牧歌續紛登
舟發長嘯落照浮朱輪澄潭潑疎網漉巾烹脩鱗敷襟
倡微響協奏諧羣倫醉來俄成寢曙星耿寅賓征夫忽
方戒獨往行佚佚慙懃友生愛瞻依父子親顧望南北
途徘徊詎當陳

韓中丞征蠻

嶺表古夸隩秦漢拓山河中代更叛服功收兩伏波宋
弱屢搖扇狄青勝算多我朝大一統內款開牂牁蠻醜
近弗靖戎壘鬱蹉跎嵐岡吼兕象龍窟鳴鼉鼉皇命整
厥部卷甲提天戈賊據大藤峽全師搗其窠先人奪人
氣迅速凌浮艤錯谷竄佚豕叢篁上下坡飭罰士用命
一鼓奮追呼疾驅出荔浦斷藤衝盤渦陣似蟠蛇去鋒
如破竹過烈火燎柔毛撲滅無幾何惟戰威勝愛惟師
克在和掠氓無妄殺殘孽堪撫摩蠢茲蜂蟻屯椎跣同

么麼匪邀萬里伐赤子傷薦瘥乘銳振皇靈宣慈起宿
疴坐鎮帖不譁戡亂藉廟謨且上平蠻略無徒奏凱歌
安邊在擇吏秉公罔偏頗近習私不逞服案誠漁苛推
恩衆可結申法令無佗將士氣自倍虎豹在山阿諸蠻
懾且懷功偉守嵯峨勦撫倘無術調集誰能那願終覃
稱德永清秩南訛

詠青山泉

泉水濯人纓斯泉濯其志濯纓去外塵濯志安汝止泉

水洗人耳斯泉洗其心洗耳驅外響洗心湛天真有源
委大廓源清流不濁本來非物染無洗亦無濯

遊白雲精舍

徐 浦

與君登青山凌風陟高臺青山望渺然白雲空悠哉
董君負道氣持節遐方來飢食石上松渴飲山中醅
恬然澄外慮與物無訴諧有時發長嘯清籟生八
垓素願祝昇平君臣絕嫌猜眷茲嚴慈恩萬里隔雲
埃臨風懷獨劇清夜腸欲摧引睇何杳茫崇巒接斗
台因之寄遠眺

匪以咏物裁斯臺寓觀戒精舍山之隈君暇時一登晴
雲天際開浮雲暫點綴太虛自弘恢羨君撥雲手望雲
意徘徊僕幸侍公遊興洽日暮催驪駒不可攀願言復
追陪千古雲間客白雲臺崔巍

遊荔浦鵞翎嶺

張楷

誰謂劒閣險鵞翎險更奇誰謂齊雲勝鵞翎勝與齊孤
峰危峭壁小徑通翠微著履穿雲竇倚杖躡崔嵬石門
天自造一見驚且疑中有空洞天宛若神人池入谷復

出谷猶有仙界遺禽鳥不到處虎豹不敢棲萬山班若
列萬野坦如墀水旋環若帶花嗅醉如泥上有龍津吐
挂綴如琉璃隱隱月窟窩皎皎素娥眉疑是巫山女常
與雲雨期疑是玉臺觀上帝移來峙疑是蓬萊島秦皇
望斷時疑是商山擔四皓原採薇疑是廬山鶴欲度梁
武騎疑是山鹿巔飛錫先來記雲移山自若風急無寧
枝洞口浮烟薄品深暑氣微藤蘿生壁蘚紅日照仙芝
侃侃銘刻在載有賢人題整容式莊誦鏗然天籟希臨

神一展拜恍然英爽依崖高迥萬丈躡足天可梯此去
雲程近爭有赤子啼金聲鳴紫陌桴鼓續黃衣山叟出
新茗老衲談空已歸雲遂返駕疎雨濕征衣凜然一聲
震倏忽江霧迷何如赤松遊黃石神其機何如華岳登
鬼谷呈其異何如承露臺折有金莖綺何如仙人掌調
有玉屑卮何如九疑上丹霄從可幾何如爛柯山千古
一局碁何如天目山湛湛玉泉池何如瀑布山泉沸勇
如飛何如登雲谷萬山若轉移何如白鹿洞朱陸辨支

離何如天真山一覺悟天知嗟予初逝時行邁且靡靡
登覽興便勃徘徊日已西尚須期達士重與拜希夷

汝成王孫同遊獨秀山因憩讀書巖有憶顏延之
有引

俞安期

山在郭中挺然拔起靖江宮殿盤繞其前下嵌深巖
石榻便房延袤空敞蓋顏延之為始安時誦讀其中
而五君詠亦勒壁焉

八公奠淮南二別控楚郡逶迤非不遙峻嶒亦云峻何

似茲山起亘霄亦千仞下屬無坡陀上千若奮迅丹碧
冠崇宮詰曲引修磴夙援垂絙行危躡懸崖進下眺城
微茫仰矚天清映風連桂海深雲引蒼梧近既欣高視
情復協孤介性返息巖屋深窺臨石榻淨往見遺舊蹤
中疑隱仙徑遠憶顏始安三復五君詠

陽朔舟中懷張質卿太僕兼以所見述之短章二

首

何喬遠

煩馬去桂林勞舟指陽朔峰巒亂遠近日出映波綠澄

潭碧於藍白石淨如玉日夕何所聞哀蟬噪暮壑居人
感離長遊子傷別促君侯住東山高曠凌雲鶴日蒙攜
手歡採芝共幽獨路岐空有贈風義難在目興言詠短
章秋天寄鴻鵠

桂山饒靈異騰拏不可律指天盡孤峰插地皆石骨乳
結密窠房溜文細垂髮方嶂拱若圖尖崖仰似筆西峻
擎宵暉東險逼朝日前觀竒方端後顧秀未畢誰知越
鄉客輕撓從此出雖公始安人恐未窮蕩滴題詩贈山

中聊以豁初疾

遊省春巖

蘇濬

昊天藹暘谷輕颺何駘蕩層巒鬱嶽岑修巖平如掌尋
雲陟杳冥但見林與莽中坐瞰前村飛禽時來往田父
相叫呼漁翁亦兩兩野曠多古風山幽無塵鞅攜手滄
浪間不覺飛霞上

遊龍隱洞

鳥隱在叢林魚隱不厭深更有蒼龍隱杳然不可尋九

霄恣飛揚九淵任浮沉我欲從之遊山水解人心玉露
滴涓涓天籟發其音俗耳鍼且砭居然聽龍吟何必跨
滄海對此且投簪

遊風洞

高臺受和風層雲錯如綺身在城闔中心在雲林裏北
顧燦晨星南望長江沚山花紛欲然村童歌且止衆鳥
飛相呼清聲入人耳歸徑渾欲迷塗窮意未已

陽朔道中

策蹇冒炎蒸，征驂不遑息。一入巖壑中，羣峰相朝夕。錯
落湊珠璣，左右森如戟。孤柱兀然立，去天不盈尺。羽鱗
窮變化，丹青互相射。微雨從東來，飛雲翠欲滴。玄覽滌
煩襟，采真神自懌。郵亭一以憩，峰光擁前席。鳴蛙出中
堂，飛禽戲我側。時堂上數蛙並列餐雲可忘飢，嘯風聊自適。一
枕山之巔，悠悠何所迫。

北山為慶遠郡鎮，仲夏瘴暑莊。守叅可贄邀，飲絕
頂以蘇。沈鬱返自雪花竇，復遊東閣次白龍洞。

岳和聲

鞅掌積羈辰遐心在層壑干城自緩帶歡然命山酌涉
江石齒齒披林雲漠漠蛇徑失舊蹊天門得新鑿半嶺
雪花竇清泠水可嚼循磴乃北轉面江開混噩孤撐軼
氛埃日月手搏度千峰衣帶間俯瞰萬家郭傑構齊雲
端步虛招玄鶴綯與仙人期翩躚下閭閻劈裂愁蒼青
谿研動飛攫蟄龍起陰霧颯沓烟蘿嫋及此窮香深誰
能測垠鄂丹竈識火傳玉井遶蓮萼與子謝微纒凌霄

恍有托

斥金歌

王泳

頃聞士民喜談石梁郡伯卻金者蒙則曰謂卻非也
作斥金詩以見志

赫赫玉麟符節制綏四疆諸夸外作藩縻之以犬羊嶺
西數千里經畫歸職方一民一尺地莫敢越侵傷郡守
古諸侯威德何可當奈何自納侮潰此中外防蛇豕俟
隙動法行不及強狡豕豈無懼所恃金滿筐堂堂足以

臨所失寵賂章割我赤子肉還以噉我腸來獻千萬金
未損彼毫芒嗟嗟邊鄙民不如中州龐戶口藉郡國身
家委豺狼草木亦涕淚山溪皆疣瘡仁者心惻惻無力
拯氈鄉司牧秦越民無乃大不祥漢德昭版圖王道嚴
紀綱葛伯殺童子征師饗壺漿朝廷甚神武忍此民命
戕竊聞父老言何事須張皇得良二千石飛纓繫其羌
天心甚仁愛撫我漢循良循良者誰歟岳牧泣黃堂金
章明日月玉節凜冰霜關西四畏知尼父一見剛褰帷

布政令五馬五龍驤貪泉不敢流越石見晶光諸酋蠢
不悟如故包金嘗自謂最珍重不屑此批糠塵翳浼砒
硃不得及珪璋泥滓溷行潦清河自汪洋至人所為寶
不在白與黃一笑揮斥之狐媚奪魄藏歸而戒生事自
今慎無將小范初籌邊西戎心膽惶昌黎著直節鱷魚
潛遁忙邊民今有天漸次復耕桑藩籬拱堂奧鱗介奉
冠裳迺知廉生威不怒以斧斨野人為此詩刻石山之

陽

贈莊得全太史使西粵

區大相

別離良不易茲別何煌煌車徒盛意氣衢路生輝光執
手一相送送子玉河陽玉河清且連中有雙鴛鴦嬉游
萍藻間將舉更回翔將舉欲何之云涉江與湘風雲開
赤社玉節凌朱方朝遊蒼梧側暮宿丹水傍但言皇澤
遠寧恤道里長絃歌未終宴僕御已嚴裝宵人競榮寵
君子慎周防歸途倘見憶為采秋蘭芳

華陰道中答粵西督府楊濟寰先生見寄

何白

飛鴻度炎海遙帶蒼梧雲口銜一書札錦囊五色文秦
粵萬餘里題書寄遐想離江片月來忽墮仙人掌予本
滄浪叟放迹邊城隅垂竿聊取適無心冒珊瑚夫子亦
何意遠投明月珠仲舉延南州度遼禮章掖千載復見
君山林為動色風塵苦愁人歸臥桃花津寸心如有會
相憶烟蘿春

黎雲野選部出補廣西大叅

項元淇

汲黯樂禁密陳咸憤疎逃苟懷齊契心中外惟所適衡
管屬清通屏翰藉材哲綰綬出承明改服謝朝列揚旌
向嶺表投傳憩駱粵桂林秋不凋炎江冬亦熱仰見孤
鷲墮俯念雙鴈別

懷廣西叅議沈公寵

梅鼎祚

大國有巨木亦復多賢士家皇既龍奮吳興仍鳳跼迺
峨柱後冠危言動朝市王靈遂改加弓旌復南指蘭臺
多雄風蒼梧白雲起命駕早來旋流觀在江汜時俗率

故常何由邁君子

漢上送程子乘之廣西

吳宗儒

江上故人別行舟
悵明發延望蒼梧雲
相思洞庭月尊酒
不成歡鄉心亂華髮

送鄭孔肩任平樂二首

吳本泰

潮之有昌黎柳之有愚溪
異域阻風教賢達偶羈棲至
今巖壑間文采流虹霓
古人失意事今君盛名齊大邑
新黃綬江楓逝青驪
川陵美登陟琴鶴隨所攜
民猺雜

居地一朝吾道西金石振高響蠻荒破重迷千載懷英
人摩崖覓留題

涼飈厲征衣落葉津亭暮寥廓浮雲翔感士多不遇枳
棘豈鸞棲百里非賢路酌言壯行色慷慨驅車去烽火
照漁陽封疆頗多故顏闔知疲馬莊生悲涸鮒矧茲瘴
癘鄉保障誰與固中澤無鴻雁清班即鴛鴦嗟我同心
友脩程渺烟樹安得萬里輶隨風共長驚

游勾漏

楊子陸

期月九行役勾漏日倭遲我欲弔句容風雨妒行期千
載共臭味一脉轉針磁書著內外篇旨宗莊老師咫尺
望羅浮投杖化葛陂丹砂亦寓言牀竈徒傳奇既饒黃
白術忍見蒼赤危年年苦逋賦胡不起瘡痍翁壻誇永
玉夫妻齊紫眉破甕煒脫難井岡父相貽墜逢玉京子
灸疣獲波斯于今二廣間灸疤靳藥醫鮑姑火傳遠抱
朴意未闕洞中餘蝙蝠朝夕餐石脂差池蝙蝠飛下上
繫吾思我猶凡之人仙凡宜有岐碣石韓青夫稚川復

追隨到處頻接引磨崖勒豐碑

七星山紀遊

無名氏

瑰竒恣搜討貝闕青瑤房方隘疑永巷俄敞如華堂玉
梁窈浮溪瓊戶正當窓仙佛肖彷彿鐘鼓鉤擊撞聶聶
左顧龜狺狺欲吠龐丹竈儼亡恙芝田靄生香搏噬千
怪聚絢爛五色光更無一塵沉但覺六月涼玲瓏穿屢
折詰曲通三相神鬼若剡刻乾坤真混茫入如深夜暗
出喜皦日光隔世驚瞬息異境難揣量

粵西詩載卷五